



KOMUNIKADO PA PRENSA

Fecha

25 aprel 2013

Account Manager

Jhanirha Anita

Email

jhanirha.anita@gmail.com

Nr.

PA HAÑA UN MIHO BISTA RIBA MAS TERENO DISPONIBEL PA PUEBLO! MINISTER EARL BALBORDA TA FIRMA AKUERDO HUNTU KU DOMEINBEHEER I KADASTER

Willemstad – Awe mainta, Minister di Tráfiko, Transporte i Planifikashon Urbano, Sr. Earl Balborda a firma e akuerdo pa interkambio di dato entre Domeinbeheer i Kadaster pa loke ta trata terenonan i propiedatnan di Gobièrnu ku ta registrá na Kadaster. E akuerdo aki lo resultá den un bista mas mihó di terenonan disponibel pa pueblo.

Domeinbeheer a traha riba plan di optimalisashon titulá Rumbo pa Ekselensia, den kual ta indiká ku uso di teknologia ta un instrumento importante pa mehorá e servisio ku Domeinbeheer ta duna na nos komunidat. E akuerdo entre Kadaster i Domeinbeheer aki ta bai kontribuí prinsipalmente na e echo ku Domeinbeheer lo haña un bista mas mihó di e terenonan ku ta disponibel pa pueblo. Tambe e kontrato aki ta bai yuda pa hasi e registro di kontratonan di Domeinbeheer mas aktual i subi e entradanan di erfpacht.

Kadaster ta registrá tur e derechonan di propiedatnan, manera entre otro erfpacht, konstrukshon etc. Tur tereno, ku Pais Kòrsou duna pa usarionan hasi uso di dje, tambe ta registrá na Kadaster. Resientemente, Domeinbeheer a introdusí un sistema di registrashon di tereno nobo den kual a inkorporá tur dato bieu den e sistema nobo aki.

E intenshon awor ta pa kompará e dato di erfpacht ku Domeinbeheer tin ku dato di erfpacht, relashoná ku terenonan di Gobièrnu, ku Kadaster tin. Di e forma aki nan ta komplementá otro i ta aktualisá e datonan ku Domeinbeheer tin. For di ehersisio aki, ta spera ku lo tin mas kontratonan di erfpacht registrá na Kadaster ku tin registrá na Domeinbeheer. Si esaki ta e kaso, e or'eí lo agregá e datonan aki den e sistema di Domeinbeheer.

Tin 2 sorto di dato ku ta bai interkambiá, esta datonan gráfiko i datonan atministrativo. Dato gráfiko ta un bista digital gráfiko di e tereno i dato atministrativo ta datonan relashoná ku e kontrato. Pa medio di e akuerdo entre Domeinbeheer i Kadaster, lo interkambiá di datonan i asina pone e registrashon di erfpacht na òrdu i tambe lo nota si tin kualke diskrepansia.

Banda di kompará e datonan aki, mester konstantemente aktualisá e database di Domeinbeheer. Esaki ta bira posibel ora ku periódikamente, por ehèmpel tur luna, Domeinbeheer risibí e informashon nesesario di Kadaster i ta inkorporá esaki mesora den e sistema di Domeinbeheer.



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
25 aprel 2013	Jhanirha Anita	jhanirha.anita@gmail.com	

Minister Alborda ta sumamente satisfecho ku firmamentu di e akuerdo aki i di e forma aki ta kontribuí na mehorá e kalidat di e servisio ku Domeinbeheer ta duna. Finalmente, e akuerdo aki ta kontribuí na yena un nesesidat grandi di nos komunidat kual ta tereno pa bibienda i uso komersial. Pueblo di Kòrsou por sigui tur último desaroyonan di Minister Alborda di Tráfiko, Transporte i Planifikashon Urbano via di su facebookpage 'Earl W. Alborda, Minister VVRP'.